

ხელშეკრულების პროექტი
სახელმწიფო შესყიდვის შესახებ # 25
(კონსოლიდირებული ტენდერი CON180000110)

ქ. თბილისი

19 თებერვალი 2019 წელი

ერთი მხრივ - ააიპ „თბილისის პარასპორტის განვითარების ცენტრი“ (შემდგომში - „შემსყიდველი“), წარმოდგენილი დირექტორის შალვა მაისურაძის სახით და მეორე მხრივ, შპს „თეგეტა მოტორსი“ (შემდგომში - „მიმწოდებელი“), წარმოდგენილი გაყიდვების დეპარტამენტის უფროსის თეიმურაზ დარისპანაშვილის (ბრძანება #190; გაცემული 2018 წლის 16 ნოემბერს, შპს „თეგეტა მოტორსის“ გენერალური დირექტორის ავთანდილ წერეთლის მიერ) სახით, ორივე ერთად წოდებული, როგორც „მხარეები“, ვმოქმედებთ „სახელმწიფო შესყიდვების შესახებ“ საქართველოს კანონის 20² მუხლის, 2019 წლის სატრანსპორტო საშუალებების ძრავის ზეთებისა და ზეთის ფილტრების სახელმწიფო შესყიდვის კონსოლიდირებული ტენდერის სატენდერო დოკუმენტაციის, სახელმწიფო შესყიდვების სააგენტოს თავმჯდომარის 2018 წლის 14 დეკემბრის N14 ბრძანებით დამტკიცებული კონსოლიდირებული ტენდერის ჩატარების წესისა და პირობების, „2019 წლის სატრანსპორტო საშუალებების ძრავის ზეთებისა და ზეთის ფილტრების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2018 წლის 4 დეკემბრის №2293 განკარგულებისა და საქართველოში მოქმედი კანონმდებლობის საფუძველზე, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების შესრულებისათვის;
- 1.1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც შეისყიდის საქონელს;
- 1.1.4. „მიმწოდებელი“ ნიშნავს პირს, რომელიც აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს;
- 1.1.6. სამუშაო დღე ნიშნავს კალენდარულ დღეს შაბათის, კვირისა და საქართველოს კანონმდებლობით განსაზღვრული უქმე დღეების გარდა;
- 1.1.7. თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე;
- 1.1.8. სატენდერო დოკუმენტაცია - 2018 წლის 20 დეკემბერს გამოცხადებული 2019 წლის სატრანსპორტო საშუალებების ძრავის ზეთებისა და ზეთის ფილტრების კონსოლიდირებული ტენდერის (CON180000110) სატენდერო დოკუმენტაცია, რომელიც შესაძლოა დანართის სახით ფიზიკურად არ დაერთოს წინამდებარე ხელშეკრულებას, მაგრამ წარმოადგენს მის განუყოფელ ნაწილს;
- 1.1.9. „საქონელი“ - ხელშეკრულების მე-2 მუხლით გათვალისწინებული შესყიდვის ობიექტი.

2. ხელშეკრულების საგანი

ხელშეკრულების საგანს წარმოადგენს წინამდებარე ხელშეკრულების დანართი №1-ით განსაზღვრული სატრანსპორტო საშუალებების ძრავის ზეთებისა და ზეთის ფილტრების (შემდგომში - ზეთი ან/და ფილტრი) (CPV - 09200000, 42900000) შესყიდვა თანმდევნი მომსახურებით (ძრავის ზეთის და ფილტრის შეცვლა), რომლებიც აკმაყოფილებენ კონსოლიდირებული ტენდერის (CON180000110) სატენდერო დოკუმენტაციის ტექნიკურ მარცენებლებს. ინფორმაცია შესყიდვის ობიექტის დასახელების, ტექნიკური მახასიათებლების, რაოდენობისა და ერთეულის ღირებულების შესახებ განისაზღვრება დანართი №1-ით.

3. სახელშეკრულებო ღირებულება

- 3.1. ხელშეკრულების საერთო ღირებულებაა (შემდგომში „სახელშეკრულებო ღირებულება“) 2261,40 (ორიათას ორასსამოცდაერთი ლარი 40 თეთრი) ლარი.
- 3.2. სახელშეკრულებო ღირებულება მოიცავს საქართველოს კანონმდებლობით დადგენილ ყველა გადასახადს.

4. მხარეთა ვალდებულებები

4.1. მიმწოდებელი ვალდებულია:

- 4.1.1. უზრუნველყოს წინამდებარე ხელშეკრულებით გათვალისწინებული საქონლის მიწოდება და მომსახურება ხელშეკრულებითა და სატენდერო დოკუმენტაციით დადგენილი პირობების შესაბამისად;
- 4.1.2. განიხილოს შემსყიდველის პრეტენზიები და მიაწოდოს პასუხი ყველა საკითხზე;
- 4.1.3. ხელშეკრულებასთან დაკავშირებული ნებისმიერი ინფორმაციის მიწოდება აწარმოოს წერილობით ან ელექტრონული ფოსტის მეშვეობით;
- 4.1.4. ხელი შეუწყოს შემსყიდველს ინსპექტირების განხორციელებისას;
- 4.1.5. განახორციელოს ამ ხელშეკრულებითა და სატენდერო დოკუმენტაციით მასზე დაკისრებული სხვა ვალდებულებები.

4.2. შემსყიდველი ვალდებულია:

- 4.2.1. აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით;
- 4.2.2. ხელშეკრულებასთან დაკავშირებული ნებისმიერი ინფორმაციის მიწოდება აწარმოოს წერილობით ან ელექტრონული ფოსტის მეშვეობით;
- 4.2.3. განახორციელოს ამ ხელშეკრულებითა და სატენდერო დოკუმენტაციით მასზე დაკისრებული სხვა ვალდებულებები.

5. საქონლის ხარისხი

- 5.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 5.2 მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

6. ხელშეკრულების შესრულების კონტროლი

- 6.1. შემსყიდველი ორგანიზაციის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ საქონელი, რათა დარწმუნდნენ მათი კონტრაქტით გათვალისწინებულ ტექნიკურ პირობებთან შესაბამისობაში.
- 6.2. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.
- 6.3. შემსყიდველი შესყიდვის ობიექტის მიწოდების და მომსახურების გაწევის ინსპექტირებას ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.
- 6.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის/ნაკლის აღმოფხვრა ან წუნდებული საქონლის შეცვლა. საქონლის ქარხნული წუნის შემთხვევაში, მიმწოდებელი ვალდებულია, განახორციელოს წუნდებული საქონლის ახლით შეცვლა შემსყიდველის მიმართვიდან არაუგვიანეს 3 (სამი) სამუშაო დღის ვადაში. შეცვლა უნდა განხორციელდეს შემსყიდველის მიერ წუნდებული საქონლის მიმწოდებლის სერვის ცენტრში მიტანისას.
- 6.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ შემსყიდველი ორგანიზაციის თანამშრომლები. კერძოდ, ააიპ „თბილისის პარასპორტის განვითარების ცენტრი“ - ს მძღოლ პერსონალ ასისტენტებს: უშანგი ზაალიშვილს, გიორგი ჯადუგიშვილს, გიორგი მიქაძეს, ლაშა საბანაძეს, ლევან ბულბულაშვილს, მერაბ ძამამიას, ავთანდილ ზაალიშვილს, დავით თხელიძეს და დავით ბერძენიშვილს. (ინსპექტირება შესაძლებელია განხორციელოს ინსპექტირების ნებისმიერმა წევრმა)

7. საქონლის მიწოდების პირობები, ადგილი და ვადები

- 7.1 შესყიდვის ობიექტის მიწოდების ვადა: სატრანსპორტო საშუალების ძრავის ზეთის მიწოდება კასრებით (თითოეული ტექნიკური მახასიათებლის არანაკლებ 200 ლიტრისა) ხელშეკრულების გაფორმებიდან 2019 წლის 20 დეკემბრის ჩათვლით, შემსყიდველის მოთხოვნიდან 10 (ათი) კალენდარული დღის ვადაში. სატრანსპორტო საშუალების ძრავის ზეთის და ზეთის ფილტრის შეცვლა (მიმწოდებლის სერვის-ცენტრში) ხელშეკრულების გაფორმებიდან არაუგვიანეს 2019 წლის 20 დეკემბრის ჩათვლით, შემსყიდველის მოთხოვნიდან 5 (ხუთი) კალენდარული დღის ვადაში.

7.2 ხელშეკრულების 7.1 პუნქტით განსაზღვრული მიწოდების ვადების განუზრელი დაცვა მიმწოდებელს ევალება 2019 წლის 15 თებერვლიდან. თუმცა, მიმწოდებელი უფლებამოსილია მიწოდება განახორციელოს აგრეთვე 2019 წლის 15 თებერვლამდე, თუ მოთხოვნას განახორციელებს შემსყიდველი ორგანიზაცია. ამ შემთხვევაში, შემსყიდველი ორგანიზაციის მოთხოვნისას, მიმწოდებელი ვალდებულია 2 (ორი) სამუშაო დღის ვადაში აცნობოს შემსყიდველ ორგანიზაციას შეძლებს თუ არა იგი საქონლის მიწოდებას.

7.3 შემსყიდველის მიერ საქონლის მოთხოვნა უნდა განხორციელდეს ხელშეკრულების გაფორმების შემდეგ ელ. ფოსტის მეშვეობით (შემსყიდველის ელ. ფოსტის მისამართი: tb.parasport@gmail.com; მიმწოდებლის ელ. ფოსტის მისამართი: tender@tegetamotors.ge.

7.4 სატრანსპორტო საშუალების ძრავის ზეთის და ზეთის ფილტრის მიმწოდებლის სერვის ცენტრში შეცვლის შემთხვევაში, შემსყიდველი ვალდებულია მოთხოვნის დაფიქსირებისას ელ. ფოსტის მეშვეობით მიმწოდებელს მიაწოდოს ინფორმაცია სატრანსპორტო საშუალების საიდენტიფიკაციო ნომრის (VIN Code) შესახებ.

7.5 ძრავის ზეთის და ფილტრის შეცვლა მიმწოდებელმა უნდა უზრუნველყოს რიგგარეშედ სერვის-ცენტრებში შემდეგ მისამართ(ებ)ზე: ქ. თბილისი: ცენტრალური ფილიალი - დ. აღმაშენებლის ხეივანი მე-12 კმ. #5, პეპელას ფილიალი - კახეთის გზატკეცილი 63, პეპელას ფილიალი N2 - კახეთის გზატკეცილი 15, ვაკის ფილიალი - უნივერსიტეტის ქ. N6,

ქ. ქუთაისი - ნიკეას მე-9 ჩიხი N2ა, ქ. ფოთი - ლარნაკას N2, ქ. ბათუმი - აეროპორტის გზატკეცილი 263 ბ, ქ. თელავი - სოფელი ვარდისუბანი, ქ. ახალციხე - ახალი ხიდის აღმოსავლეთ მხარეს, მდ. ფოცხოვის მარცხენა სანაპირო, ქ. გორი - შინდისის გზატკეცილი N2 ქ. ზუგდიდი - სოფელი რუხი, ქ. მარნეული - 26 მაისის ქუჩა

7.6 მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

7.7 მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

8. შესყიდვის ობიექტის მიღება-ჩაბარებისა და ანგარიშსწორების წესი

8.1 წინამდებარე ხელშეკრულებით გათვალისწინებული საქონლის გადაცემის დადასტურების მიზნით, საქონლის მიწოდებისას შემსყიდველსა და მიმწოდებელს შორის ფორმდება მიღება-ჩაბარების აქტი.

8.2 საქონელი ჩიათვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდგომ.

8.3 ააიპ „თბილისის პარასპორტის განვითარების ცენტრი“ - ს მძღოლ პერსონალ ასისტენტებს: უშანგი ზაალიშვილს, გიორგი ჯადუგიშვილს, გიორგი მიქაძეს, ლაშა საბანაძეს, ლევან ბულბულაშვილს, მერაბ ძამამიას, ავთანდილ ზაალიშვილს, დავით თხელიძეს და დავით ბერძენიშვილს. (ინსპექტირება შესაძლებელია განხორციელოს ინსპექტირების ნებისმიერმა წევრმა)

8.4 შემსყიდველი ორგანიზაცია ვალდებულია, ანგარიშსწორება განახორციელოს მიწოდებულ საქონელზე მიღება-ჩაბარების აქტების გაფორმებიდან 10 (ათი) სამუშაო დღის ვადაში.

8.5 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო;

გ) მოიცავს საქართველოს კანონმდებლობით დადგენილ ყველა გადასახადს.

9. ხელშეკრულების შესრულების უზრუნველყოფის გარანტიები

9.1 იმ შემთხვევაში თუ სახელშეკრულებო ღირებულება აღემატება 5000 (ხუთიათასი) ლარს ხელშეკრულების შესრულების უზრუნველყოფის მიზნით მიმწოდებელი ვალდებულია ხელშეკრულების გაფორმებამდე წარმოადგინოს ხელშეკრულების შესრულების უზრუნველყოფის უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) გამოუთხოვადი საბანკო გარანტია, გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან/და სსიპ „საქართველოს დაზღვევის სახელმწიფო ზედამხედველობის სამსახური“-ს მიერ ლიცენზირებული სადაზღვევო კომპანიიდან, - ეროვნულ ვალუტაში. რომელიც წარმოადგენს ხელშეკრულების განუყოფელ ნაწილს. ხელშეკრულების უზრუნველყოფის საბანკო გარანტიის მოქმედების ვადა უნდა განისაზღვრებოდეს ხელშეკრულების გაფორმებიდან მინიმუმ 2020 წლის 31 იანვრის ჩათვლით.

9.2 ხელშეკრულების უზრუნველყოფის უპირობო გამოუთხოვადი საბანკო გარანტიის ოდენობა განისაზღვრება ხელშეკრულების ჯამური ღირებულების 5% ის ოდენობით.

9.3 მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ შემსყიდველი ორგანიზაცია ვალდებულია დაუბრუნოს მიმწოდებელს საბანკო გარანტია ან/და მასთან დაკავშირებული დოკუმენტაცია მოთხოვნიდან 14 (თოთხმეტი) დღის განმავლობაში.

9.4 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნიდან 14(თოთხმეტი) დღის განმავლობაში დაუბრუნოს მას ხელშეკრულების შესრულების უზრუნველყოფის საბანკო გარანტია.

9.5 პრეტენდენტის მიერ წარმოდგენილ ხელშეკრულების შესრულების უზრუნველყოფის გარანტიაში არ უნდა იყოს მითითებული, რომ გარანტია მცირდება შესრულების პროპორციულად.

10. ხელშეკრულების პირობების შეუსრულებლობა

10.1 მიმწოდებლის მიერ კანონმდებლობით, კონსოლიდირებული ტენდერითა და ხელშეკრულებით ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში შემსყიდველი ორგანიზაცია მიმართავს სატენდერო კომისიას ხელშეკრულების შეწყვეტის საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

10.2 სატენდერო კომისიის მიერ ხელშეკრულების შეწყვეტის შესახებ რეკომენდაციის გაცემის შემთხვევაში, შემსყიდველი ორგანიზაცია წყვეტს ხელშეკრულებას, რის შედეგადაც, იმ შემთხვევაში თუ სახელშეკრულებო ღირებულება არ აღემატება 5000 (ხუთიათასი) ლარს, მიმწოდებელს დაეკისრება შემსყიდველი ორგანიზაციის სასარგებლოდ საჯარიმო თანხის გადახდა კონკრეტული ხელშეკრულების ჯამური ღირებულების 5%-ის ოდენობით, ხოლო იმ შემთხვევაში თუ სახელშეკრულებო ღირებულება აღემატება 5000 (ხუთიათასი) ლარს, მიმწოდებელს ჩამოერთმევა ხელშეკრულების შესრულების უზრუნველყოფის საბანკო გარანტია სრულად.

10.3 ხელშეკრულებით ნაკისრი ვალდებულებების შესრულების ვადის, მათ შორის საქონლის მიწოდების, ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილების შემთხვევაში შემსყიდველი უფლებამოსილია მიმწოდებელს დააკისროს პირგასამტეხლოს გადახდა ყოველ ვადაგადაცილებულ დღეზე მისაწოდებელი საქონლის ღირებულების 0,2%-ის ოდენობით, მაგრამ არანაკლებ დღეში 20 (ოცი) ლარისა.

10.4 ანგარიშსწორების ვადის დარღვევის შემთხვევაში, მიმწოდებელი უფლებამოსილია მოსთხოვოს შემსყიდველ ორგანიზაციას გადაიხადოს პირგასამტეხლო ყოველ ვადაგადაცილებულ დღეზე გადაუხდელი თანხის 0,2%-ის ოდენობით.

10.5 შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:

ა) მიმწოდებლის გაკოტრების შემთხვევაში;

ბ) საქართველოს კანონმდებლობით გათვალისწინებულ სხვა შემთხვევებში;

10.6 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან;

11 ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს 2020 წლის 31 იანვრის ჩათვლით.

12 ხელშეკრულების პირობების გადასინჯვის შესაძლებლობა

თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია 10 (ათი) დღით ადრე წერილობით შეატყობინოს მეორე მხარეს შესაბამისი ინფორმაცია.

13 ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

13.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

და ნ ა რ თ ი N1

წინამდებარე დანართი გამოიყენება მხოლოდ ჩვენს მიერ 2019 წლის 19 თებერვალს დადებულ ხელშეკრულებასთან (სარეგისტრაციო N 25) ერთად.

№	საქონლის დასახელება	ტექნიკური მახასიათებელი	ზრუნდის წარმოშობის ქვეყანა	მწარმოებელი კომპანია	ზრუნდი	განზომილება	რაოდენობა	ერთეულის ფასი	ჯამური ღირებულება
1	ავტომანქანის ძრავის ზეთი SAE 5W30	SAE 5W30, სიბლანტის ინდექსი - 159, კინემატიკური სიბლანტე 40°C - 60,9 mm ² /s, კინემატიკური სიბლანტე 100°C - 10,4 mm ² /s, აალების ტემპერატურა - 221°C, გამყარების ტემპერატურა - (-45°C), API SN; ILSAC GF-5; Ford WSS-M2C946-A	ბელგია	Champion Chemicals NV	Champion	ლიტრი	35	8.2	287,00
2	ავტომანქანის ძრავის ზეთი SAE 5W30	SAE 5W30, სიბლანტის ინდექსი - 170, კინემატიკური სიბლანტე 40°C - 55 mm ² /s, კინემატიკური სიბლანტე 100°C - 9,95 mm ² /s, აალების ტემპერატურა - 210°C, გამყარების ტემპერატურა - (-39°C), : ACEA A1/B1, A5/B5; Ford WSS-M2C913-D	ბელგია	Champion Chemicals NV	Champion	ლიტრი	140	9.3	1302,00
3	ავტომანქანის ძრავის ზეთი SAE 5W30	SAE 5W30, სიბლანტის ინდექსი - 182, კინემატიკური სიბლანტე 40°C - 67,1 mm ² /s, კინემატიკური სიბლანტე 100°C - 12,2 mm ² /s, აალების ტემპერატურა - 234°C, გამყარების ტემპერატურა - (-36°C), ACEA C3; BMW LL-04; MB 229,51	ბელგია	Champion Chemicals NV	Champion	ლიტრი	38	9,80	372,40

4	ზეთის ფილტრი					ცალი	25	12	300
სულ ჯამი:									2261,40

„შემსყიდველი“

ააიპ „თბილისის პარასპორტის განვითარების ცენტრი“,

ს/კ: 400098443

დირექტორი

შალვა მაისურაძე



„მიმწოდებელი“

შპს თეგეტა მოტორსი

ს/კ: 202177205

გაყიდვების დეპარტამენტის უფროსი

თეიმურაზ დარისპანაშვილი